

اداره مرکزی :

آق قورمه ، استانبول جاده سنده آق قورمه
معارف امینلکی یانده کی دائرة

استانبول بورسی :

استانبولده ، باب عالی جاده سنده ۸۷ نوره
دائرة مخصوصه

حیات

هیا نه داغما هیا نه ... دیا نه داها هور حیات قاتالم ...
- عی -

نفسی هر برده ۱۰ غرور شر

سنه کی پوسته ایله ۵ لیرا .
(اجنئی مملکتلر ایچین ۵ دولار)

ایوه واعلان ایشلری ایچین استانبول بورسه
مراجعت ایدیلیر .
یازی ایشلرینک مرجعی آق قورمه هر لیردر .

صافی : ۴۱

آق قورمه ، ۸ ایلول ، ۱۹۲۷

۲ نجی جلد

مصاحبه :

ملی استحصال و معارف

کلاسیک اقتصاد کتابلری طبیعت ، انسان سعی ، سرمایه اولمق اوزره اوچ استحصال عاملی صایارلر . ملی استحصالی آرتیرمق ایچون چاره لر آرامئی وظیفه سی جمله سندن کورهن بر حکومت ایچون بو اوچ عامل مواجهه سنده اتخاذ ایدیله چک تدبیرلر واردر . بو تدبیرلر بالخاصه طبیعتدن استفاده یی اعظمی درجه یه کتیرمک ، انسان سعینک استحصال قدرتی آرتیرمق مسئله سی اطرافنده دوزر . بوغایه یی استحصال ایچون لازم کلن شرائط ایچنده نقلیات و شمنندوفرلر مسئله سی سرمایه نك توزعی نه قادار اهمیتلی ایسه مستحصلک قوتی آرتیراجق بیلکی یی تأمین ایله مک ده اوقادار مهمدر . اونک ایچون ملی اقتصاد سیاستی ، ملی استحصالی آرتیرمق مسئله سی عینی زمانده بر معارف ایشیدر . اگر تورکیه ده کی «طبیعت» ی علمی بر صورتده بیلیم یورسه کز ، اگر مستحصل انسانلره سعی قوتی آرتیراجق بیلکی و تربیه ویره مه یورسه کز چوق زمان بیک برفدا کارقله یاپیلان نقلیه واسطه لری استحصال اوزرنده چوق آژئره ویریر . بونک بر چوق مثالی واردر . اسکیشهر - آق قورمه خطی چوق اسکیدنبری موجوددر . فقط بو خط کذرکاهنده کی کوی حیاتی هیچ دیکشدرمه مشدر . بروسه ولایتی استحصالاتی سوق ایده چک یولدن بوسبتون محروم عدایدیله مز . فقط کیم دییه بیلیرکه بو ولایتک

طبیعی ثروتندن تماماً استفاده اولونمشدر؟ واقعا بونده لوزان معاهده سیله قورتولدیغمز اقتصادی قایتولاسیونلرک تأثیری واردر . انجق مملکتک اقتصادی سویه سنک بو حالده قالماسنده هیچ شبهه ایدیله مز که عرفان سزلق مهم عامل اولمشدر ، حالاً ده مهم بر عاملدر .

اونک ایچیندرکه ملی استحصالی آرتیرمق مسئله سنک برجهه سی ده دولتک معارف وظیفه سنه دایانیر : مملکت طوپراغنک علمی تدقیق ، هر وطنداشه استحصال قدرتی آرتیراجق اصغری بیلکی وقابلیتک ویریله سی ، بر معارف ایشیدر . چوق زمان بو الک بسیط حقیقت ، اقتصاد ایشیله اوغراشان دائرة لری علاقه دار بیله ایتمه مشدر . آری آری مقصدلرله کتیریلن ایکی اجنئی متخصصی بو علاقه سزلقندن دویدقلری حیرتی بکا آچیقندن آچیغه سویله مشدردر : معارف وکالتنک مسلکی مکتبلر ایچون کتیردیکی بلجیقالی موسیو (بوز) برکون مکتبلریمزک بالخاصه معلم مکتبلرینک پروغرامندن بحث ایلهرکن اقتصادی جهه نك چوق ضعیف بولوندیغنی سویله دی . یوزده سکسانی زراعتی اولان بر مملکتک معلم مکتبلرنده «زراعت» درس لرینک بو قادار بسیط طرزده تدریسی قارشیسنده حیرت ایتدی ، معلم مکتبلرنده علی الاطلاق اقتصادی معلوماتک چوق نقصان اولدیغنی سویله دی . بو معلوماتی

داها ای ویره بیلیمک ایچون معلم بولامیوروز دیدم . مملکت اقتصادیاتیله اوغراشان دائرة لر ناصیل اولویورده کندی اللرنده کی مسلکی مکتبلرده سنک ایچون معلم یتیشدیرمک تدبیری اتخاذ ایله میورلر! دییه صوردی . زراعت وکالتی پروسیا تدریسات زراعه مدیرئی متخصص اولارق دعت ایتشدی . بو ذات ده الک چوق عمومی مکتبلرک پروغرامیله علاقه دار اولمش و معلم مکتبلرنده زراعت تدریساتی ایشی الک اهمیتلی بر مسئله اولارق کورمشدر .

ملی اقتصادک انکشافی حقنده تدبیرلر آلیرکن اونک الک مهم شرطی اولان معارف ایشنده ده سریع خطوه لر آتمق مجبوریتنده اولدیغمز هیچ اونوتماق ایجاب ایدر . ای بر معارف سیاستی سایه سنده درکه وطنداش سعینک قوتی آرتیراجق بیلکی و تربیه نعم ایده بیلیر ؛ علمه قیمت ویرمک و اوندن استفاده یی بیلیمک سایه سنده درکه تورکیه نك طبیعی ثروتی واستحصاله مؤثر اجتماعی شرائطی تدقیق اولونا بیلیر . معلم کوندرمدیککز ، محاط اولدینی طبیعی قوتلردن استفاده بیلکی سنی ویرمدیککز برکویده استحصالی آرتیرمق ، اورایه انسانی حیاتی صوقق غیرممکندر . کذلک تورکیه نك طبیعتی ، ژء اولوژیک وضعیتی تدقیق اولونماقجه ، مملکت جغرافیای

تاریخ مناقشہ لری

دیوشیرم لره دائر

دیوشیرم مسئله سنه دائر یازدیم مقاله لره کوپرلی زاده فؤاد بک طرفندن یازیلان جواب دقتله اوقوناجق اولورسه ، مسئله یه حل ایدیش نظر بیه باقیلا بیلیر . فقط فؤاد بک ، تفرعانه عائد بعض نقطه لری ، حقیقتک عکسی بر صورتده ایضاح ایش اولدینی جهته بونقطه لری تنویر ایلیمک ایجاب ایدر . فی الحقیقه ، مورتمانک (اسلام آنسیقلوبه دیسی) نده دیوشیرم لره حقیقه یازمش اولدوغی قسمی کورمه دم ؛ مع مافیه بوقیمتلی تدقیقاتدن بزم کبی ، فؤاد بک برادریمزده کندی تعبیری وجه ایل ، بی خبر قالمش در . چونکه فؤاد بک اوندیقانی اوقومش اولسه ایدی ، « مورتمانک قیمتلی تدقیقاتی سایه سنده بونک ایکنجی مراد زمانه مصادف اولدینی تماماً میدانم چیقمشدر » جمله سنی قطعاً یازمازدی . مورتمان ، یالکز بارطولمه اوس دویه بونک ، افاده سنی یازیور ؛ فقط آلتنده کی جمله ده (existait) دیور ، (a été instituee) دیمه یور . دیمک ، بواصول ایکنجی مراد زمانندن اولده وارمش ، ایکنجی مراد زماننده ده موجودمش . فؤاد بک کبی ، بنده (تورکیات مجموعه سی) نده پروفیسور کیزه نک مقاله سنی اوقودیم زمان ، مورتمانک اسلام آنسیقلوبه دیسی) نده دیوشیرم کله سنه عائد یازمش اولدوغی ایضاحاته مطلع اولدم . فقط آله اونی جرح ایدمک و وثیقه اتخاذ ایدیله بیله جک داهاقوتلی شاهد لر موجود اولدوغی ایچین قبول ایتدیم . بناء علیه ادبیات فا کولنه سی مجموعه سنه اونندن بک چوق صوکر ا یازدیم مقاله بی مورتمانک تدقیقاتندن بی خبر اولار ق یازمادم . اساساً اومقاله نه بر تدقیق ، نده فؤاد بک ایسته دیکی کبی « بومؤسسنه نک منشأ و تاریخی تکاملی حقیقه » یازیش بر ترکیبدر . اکزیاذه ، عجمی اوغلانلره دائر خزینة اوراق وثیقه لرندن طویلادیم نوطلردر . حتی آرالرنده ارتباط بیله یوقدر . اونتجی عصرده عجمی اوغلانلر حقیقه دیوانجه حادث اولان مسئله لر ایچین یازیلان حکملردر ؛ فقط بو حکملرده کی معلومات هیچ بر کتابده موجود اولمادینی جهته طویل بر صورتده بر مجموعه ده بولونسون دیبه نشر ایتدم . فؤاد بک جواب اولار ق یازدیم مقاله لره کلنجه ، فؤاد بک اونلرده ده تاریخی تکامل و ترکیب آرماملیدر . چونکه دیوشیرم لره دائر آله موجود اوج بش وثیقه ایل بویه نام و مکمل بر ترکیبک یاپیلامایه جغنی فؤاد بک ده تقدیر ایدر . بوندن باشقا ، فؤاد بک دیدیکی کبی : « مورتمانک مقاله سنده مذکور بکی مأخذ لره » هله هیچ مراجعت ایتدیم ؛ چونکه اونلرک مراجعته هیچ دکرلری یوقدر . بوم مقصدم ، دیوشیرم اصولنک ایکنجی مراد دورندن چوق اول موجود اولدوغی اثبات ایلیمکدر . مورتمانک ایکنجی مراد دورنده دیوشیرم اصولنک

موجودتنی آنکلامق ایچین کوستردیکی وثیقه لرایسه ، عطا تاریخی ایل تاریخ صاف ، و برده چنیق آبره ندر . آلهدها اسکی منابع دوررکن بونلره نهدن مراجعت ایدیم ؟ بالعکس مراجعت ایتدیمک مشعلر ، نیکبولو محاربه سنده بولونانلرک یازدق لری یازیلر ایل او دورده یاشامش اولان قرونیکورلر ، بر طراندون و خالقوندر . بلیس کبی اسکی اثرلردر . بواثرلرده ، دیوشیرم اصولنک تأسیسنه دائر واقعا بر قید یوقدر ؛ فقط هبسنده ده « یکچیری » تعبیری واردر . فؤاد بکک آنک زیاده قیمت ویردیکی مورتمانک تدقیقاتنده ده : « دیوشیرم (چوق طویلامق) ، یعنی یکچیری میلیسی ایل سرای هایون خدمته آدام طویلامق » دندیکی ، بناء علیه یکچیری بولوندوغی زمان ، بهمه حال دیوشیرم اصولنک ده موجود اولاجنی طبیی اولدوغی جهته اسکی اثرلرده هپ « یکچیری » تعبیری آردم ، و بولدم .

فؤاد بک دیورکه : « بر تراندون ک مشهور سیاحتنامه سنده « دیوشیرم اصولنک برنجی مراد زماننده تأسیس ایدیلدیکنه » دائر هیچ بر قید یوقدر . بناء علیه رفیق بکک بواذعاسی تمامیه اصلسزدر . « علمی بر مناقشه ده « تمامیه اصلسز » بر شیئی یازوبده قارئلری اغفال ایتک کبی بر بلاهتی قطعاً ارتکاب ایدم . بر طراندونده عیناً شو جمله واردر :

(Car du temps que je vins là où le Turc estait ès marches de Thezale ces dix mil esclaves que les aulcun appellent yehanicees etc) page 268.

بناء علیه بوجه ده هم یکچیری تعبیری و هم ده یکچیریلرک اسیرلردن یعنی دیوشیرم لردن مرکب اولدوغی صراحتاً مذکوردر .

فؤاد بک دیورکه : « دهوشیرم نک برنجی مراد دورنده احداث ایدیلدیکی رفیق بکک اکتوتلی مأخذی اولان لوبو کندیسنی دوغروندن دوغرویه تکذیب ایتکده در . اساساً شونی علاوه ایدیم ، لوبونک بویکی طبعنده دهوشیرم حقیقه موجود اولان بو مطالعه لر ، هاعمه رک اثرندن استفاده ایش اولان طابعک بر علاوه سندن عبارت اولوب رفیق بکک ظنی کبی « بالذات اودوری ادراک ایدن بیرانس و فرانسز قرونیکورلرینک » ویردیکی معلومات دکلدر ؛ بناء علیه اصلاً حائر قیمت اولاماز . کوچوک بر دقتسزک و - بیلهرک بیلیمه رک - یاییلان بر تحریف رفیق بکی فنا حالده یا کیلتمش ، ولهنه اولار ق قوللانیق ایسته دیکی بر دلیل تماماً مدعاسنک علیهنه چیقمشدر .

لوبونک مطالعه سی ، اویله ظن ایدم که ، بوم ادعامن زیاده ، فؤاد بکک دیوشیرم اصولنک ایکنجی مراد زماننده تأسیس ایدیلدیکی حقیقه کی ادعاسنی تکذیب ایدر . بجه ، دیوشیرم اصولنک ایکنجی مراد زمانندن اول تأسیس ایدیش بولوندوغنی اثبات کافیدر . برنجی مرادک سلفلرینه هیچ لزوم یوقدر . بناء علیه کوستردیکم مأخذی تحریف ایتدیم ؛ دیوشیرم اصولنک برنجی مراد دورینه قادر چیقدیفنی کوسترمک ایسته دم . بوندن باشقا ، یازدیم مقاله ده لوبونک اثرنده دیوشیرم لره حقیقه یازدینی معلومات ،

« بالذات اودوری ادراک ایدن بیرانس و فرانسز قرونیکورلرینک » ویردیکی معلوماتدر دیبه بر جمله یوقدر ؛ فؤاد بک مدعاسنی اثبات ایچین یازدیم جمله لری بارچالا . بوب بر بیرنه اکیله رک ایسته دیکی کبی مطالعه درمیان ایلیمشدر . حتی « بالذات اودوری » دیبه ده یازمادم ؛ « بالذات اودورلری » دیبه یازدم که ، بوندن مقصدم بالطبع برنجی مراد و اوندن صوکر ا کی دورلردر . فی الحقیقه لوبوده ، اودوری دکل ، فقط اودورلری ادراک ایدن بیرانس مؤرخلرندن استفاده ایدم رک و مأخذلرینی صحیفه سیله کوستره رک اثرنی یازمشدر . لوبونک بکی طبعنده دیوشیرم لره حقیقه کی مطالعه ، فؤاد دیدیکی کبی « طابعک بر علاوه سی » دکلدر ؛ اصل متندر . یکرمنجی جلدک ۴۷ نجی صحیفه سی میدانددر . کذا ، لوبو مطالعه بی هاهم ردن استفاده ایدم رک ده یوروتمه مشدر . اگر هاهم ردن استفاده ایتسه ایدی ، ۱۳۷۰ ده یاپایشنجی اوربته نک دیوشیرم مسئله سی حقیقه یو آنیس باله اولوغوسه مکتوب یازدینی هاهم رده ده مذکور اولوردی . بناء علیه فؤاد بک برادریمزک عقولرینه مغروراً عرض ایدم که ، « بیلهرک بیلیمه رک » تحریف یاپوب فنا حالده یا کیلان هر حالده بزده کلم .

فؤاد بک دیورکه : « بارطولمه اوس کسوزلرینی ، اوندن ایکی عصر صوکر ا کی بر زمانه عائد اولان ۱۰۳۱ تاریخی بروثیه ایله تنقید وابطاله چالیشق ده تاریخ اصوللرینه مغایردر » .

۱۰۳۱ تاریخی وثیقه ، رسمی بر وثیقه در . بارطولمه اوس ، « اوندی براوغلان » آلتندیفنی یازیور . فؤاد بک ده بک اعلا بیلیرکه ، اوندی براوغلان هیچ بر دورده آلتیمشدر . و بو مطالعه ، تطبیق محال بر سوزدر . ۱۰۳۱ تاریخی وثیقه دیوشیرم اصولنه دائر آله موجود یکانه وثیقه اولدوغی ایچین اونی ذکر ایتدم . تاریخ اصوللرینه بر از واقف اولدیم جهته ، طبیعتیه بیلیمککم لازم کلیرکه ، ایکی عصر صوکر ا کی وثیقه ایکی عصر اوله تطبیق اولوناماز . فقط دیوشیرم اصولنده چوقو ق لک بشده ، اوندی و یایکرمیده بری آلتیق کبی هیچ بر اصول موضوع بولونمادینی و بواصول هر دورده ده دیکشه دیکی جهته او وثیقه بی بر مثال اولار ق کوستردیم .

ریقوایله بوزبه کی تنقید ایتوب بارطولمه اوسی تنقید ایتمه کلنجه ، فا کولنه مجموعه سنه یازدیم مقاله ده ریقو ایل بوزبه کک فکرلرینی معلومات قیلندن درج ایتدکن صوکر ا ، آشاییده : « دیوشیرم اصولنک تفرعانه دائر آنک دوغرو و اکتیمندار معلومات » دیبه رسمی وثیقه بی درج ایدم رک اونلری تکذیب ایتدم . بناء علیه فؤاد بک برادریمزک : « رفیق بکک بارطولومه اوسی و مورتمانی اوقدر شدتله تنقید ایتمه سی ده بیطرفانه بر حرکت دکلدر » دیمه سی دوغرو دکلدر .

شیمدی شوقیصه مطالعاتدن صوکر ا فؤاد بکک تنقید اتندن چیقان « باشلیجه نتیجه لر » ده ده جواب ویرم : ۱. دیوشیرم اصولی برنجی مراد زمانته ارجاع ایچون مراجعت ایتدیمک وثیقه لر یالکز عثمانلی منابعی دکلدر ؛ برنجی مراد ایل ایکنجی مراد دوری آراسنده یاشامش و وقوعاتی کوزیله کورمش اولانلرک یازیلریدر .



کتابيات



آسيانک اويانه سي

آسيانک اويانه سي : انکليز امپرياليزم و ملتريک عصيانى محرري : رونه غروسه - مترجى : نورالله عطا - حاکيت مليه کتبخانه سي نثريانندن : ۴ - حاکيت مليه مطبعه سي : انقره - ۱۹۲۷ - صحيفه : ۱۹۵۰ اوچ جلدلک بر آسياتاريخي يازان رونه غروسه ، مختلف جهان حادثه لرندن بالخاصه انکليز امپرياليزم ايله علاقه دار اولانلر نه عائد بر کتاب نشر ايتدى . حاکيت مليه ده تفرقه حالنده ترجمه ايديلن بو اثر ، سوک کونلرده کتاب حالنده اورته يه چيقاريلشدر . بن بو کتابک ، خاصه بزدن بحث ايدن ، انقلابيزمک صفحاتى آکلانان صحيفه لرني قاريشديريرکن دويديم جاجي بروجه بشين قيد ايتک ايتسه بورم : کچيرديکمز معظم انقلابک علمندن ، فلسفه سندن ، اجتماعى ماهيتندن بوندن يدي سکزييل اولکي وقايعک ساده جه حکايه وتصويرندن محروم . بر متفکر بر غزته جي کوزى ايله اولسون او هيچانلي کونلره عائد معلوماتى تکرار تکرار اوقومق لازم . فقط هيئات که بو لزومى تأمين ايدنه جک مالزيمه يوقدر . خاطر لردن حافظه لرندن بر جوق شيلر سيلنبور . هله يتيش کنجک ، بو پک يقين تاريخه واقف دکل . برکت ورسين ، برفرانسز محررينک اثرى ، و بر تورکک ترجمه سي ، اولزوم ايله بووقوفى تأمين وتطين ايدنه جک نشر ياتک خطوه لرندن بربردر . کرک مترجم ، کرک اثرک ناشري اولان (حاکيت مليه) غزته سي بوندن دولاي تبريکه لايقدرلر .

اثر بر مدخل ، سکزي بحث و بر نتيجه دن عبارتدر . مدخله محرر ، کتابي يازمقدن نه يي استهداف ايتديکني سويله بور : اليوم سکزي يوزيمش مليون آسيالى ويا آفريقالى مسلماني حکم ، مراقبه وتابعيتلري تحتده بولوندوران اوروپايلر ، هه که مونيا . لرني داها اوزون زمان ادامه ايدنه بيله جکلرمي ؟ بو امتيازى وضعيتک ختامه ايرمک تهلکه سته معروض بولنديني ، بعض اماره لرندن تخمين اولنه مازمي ؟ ژاپونيانک روسيه يه غلبه سي ، بو نقطه نظرندن ، تاريخ جهانک بر دوره سنک نهايت بولديغني کوسترمي ؟ پورتسموت معاهده سنک فرداسنده تخذت ايدن اوروپا حربي ده ، اوروپانک باشنده کي تاجي بوس بوتون دوشورمه ديمي ؟ وه لس ۱۹۱۹ سنه سنده دپوردى که « بو محاربه نك اوروپاي ، آسيابه نسبتله نه درجه ضعيفلنديغني تقدير ايتمه من ايجون المزده هنوز هيچ بر واسطه يوقدر . انکليز محررينک سزديکي بو تزلک درجه سني اولجه بيليرز . بونک ايجون دول معظمه ايله باب عالي آراسنده منعقد معاهده نامه لري ، لوزان معاهده نامه سي احکاميله مقايسه ايتک کافيدر . » [۱]

[۱] کتابک مدخلندن

۲ . غرب منبعلرينک دپوشيرمه لر حقنده برشي سويله مه لر نه لزوم يوقدر . بکچريلر دپوشيرمه لر دن عبارت اولدوغى ايجين بارطولومه اوسدن اول يازيلان اثرلرده « بکچري » تعبيرينک بولونعاسى کافيدر .

۳ . « اون دردنجى واون بشنجى عصرلرده عثمانلى اوردوسنده خريتيان عنصرلرک موجودتي محقق » اولدوغنى فؤاد بکک ده قبول ايتمه سي ، فکر يمزک فؤاد بک طرفندن ده قبول ايديله يکنه دليلدر .

۴ . بکچريلکک منشأ نه دائر قطعيله سوز سويله مه جکنه بن ده قائم . فقط الهه کي وثيقه لر بوني برنجى مراد زمانه قاردار چيقاريبور . بزم او وثيقه لره نظر ايتيله يکمز و يازديغمزده بوندن عبارتدر . نيکولو حربنده بکچريلرک موجود بولونعاسى او دورده دپوشيرمه اصولک ده بالطبع موجود بولوندوغنى اثبات ايجين کافيدر .

۵ . بکچريلر دپوشيرمه لر دن مرکب اولدوغى ايجين بکچريلرک احداثيله دپوشيرمه اصولک ده باشلا ديني فکر نده يم . چونکه الهه کي وثيقه لر بوني اثبات ايديبور . فقط تفرعانه عائد قطعي بر حکم و بر مرکب بالطبع ممکن دکلدر .

۶ . اولجه ده عرض ايتديکم وجه ايله دپوشيرمه لر حقنده يازديم يازيلرک کافه سي بر ترکيب و تدقيق دکلدر ؛ دپوشيرمه لره دائر موجود معلوماتک جمع وتلفيقندن عبارتدر . بويله بر ادعاده بولونعاديم ايجين فؤاد بکک بويازيلرده « دپوشيرمه اصولک منشأ وتکامل » ني آراماسى دوغرو دکلدر . مع مافيه کوستردېکم وثيقه لرله دپوشيرمه اصولک ايجنجى مراد زمانندن جوق اول تأسيس ايديلش بولوندوغنى ثابتدر . بارطولومه اوسک « اونده براوغلان » آينديغنه دائر مطالعه سي ياکلشدر . مورغان ، بارطولومه اوسک مطالعه سني معلومات قبيلندن يازمشه ده ، قبول ايتمه مشدر . دپوشيرمه اصولى هر حالده ايجنجى مراد دورنده موجوددى « ديبوب کچمشدر . حالبوکه فؤاد بک : « بونک ايجنجى مراد زمانه مصادف اولديني تماماً ميدانه چيقمشدر » ديدېکي حالده ، بو ادعاسنى اثبات ايجين ، مورغانک کوستروب قبول ايتمه ديکي ياکلش معلوماتن باشقه بر سطرلق اولسون بروثيقه کوسترمه مشدر .

مع مافيه شوني عرض ايديم که ، (lln'yapas (de définitif dans l'histoire) . الهه موجوددرمه چاته وثيقه لر دپوشيرمه اصولک برنجى مراد دورينه قاردار کلدېکني کوستريبور . بومؤسه نك همه حال ايجنجى مراد دورنده تأسيس ايديله يکنه دائر ايمه هيچ بروثيقه يوقدر . بويله بروثيقه يه تصادف ايدرسه م ، ايلک اول کندم نشر ايدنه جکمه فؤاد بک برادر يمز امين اولاييلرلر .

بو پوک آمله احمد رفيع



ايشته ، رونه غروسه ، قلمه آلدېنى سکزي بحثى وه لسک مالک اولماديغنى سويله يکي واسطه لر عد ايديبور . بو واسطه لر بزه آرتق آسيانک اوروپايه اسير اولماديغنى ، اوروپا فتوحاتنک آسيالى ملتريک تکاملنى بالعکس تسريع ايتديکني کوسترمکده در . بوتون بونلرک ايجنده غروسه شو نقطه يي محور ايديشدر : انکليز امپرياليزمک سقوطى .

برنجى بحث ، تورک ملتپورولکته عائددر . اثرک اوتوز صحيفه سي ؛ قوزمبوليت عثمانلى امپراطورلغندن ملتپور بر تورک جمهوريتنک نصل چيقدېغنى وجيز برخلاصه ايله آکلتيبور . اولاً مسأله وضع ايدلشدر : آنادولوي تورکشديرين عنصرک بابا مالى ، اوروپانک نظر نده بر نوع حصه شايه ايدى . فقط اساسى بر صورتده تورک اولان آنادولودن صاغلام تورکيه چيقدېغنى زمان اوروپا ، شاشيرمشدر . ثانياً امپراطورلغک سقوطى ايضاح اولونيور . اتحاد وترقي به قاردار عناصر سياسى حاکمدر . عمومى حرب ، امپراطورلق اراضيسندن بر جوغنى آلدن چيقاردى ، بونلرک آراسنده شرقى آنادولو ، يعنى خيالپرستلرک (بويوک ارمنستان) يده واردى . فقط روس اختلالى کيدن اراضيدن بر قسمنى تکرار اعاده ايتدى . ديگر طرفدن موندروس معاهده سي ، شرق مسأله سنک آرتق قطعي طرزحلى اميديني علاقه دارلره و برمش بولونيوردى . حادثات ، يونانيلرک بو غايه اوغورينه آلت اوله رق قوللانلنى دوغوردى . بوراده مسأله نك ايجنجى صفحه سي قياغنده در .

ثالثاً مجاهده مليه يه عائد وقايعه صره کليور . بو وقايعک نتيجه سي انقره نك ظفريدر . وقوعات ، ظاهراً تورکلر ايله يونانيلر آراسنده در . فقط حق قنده انکلتزه تورکلرله بالواسطه حرب ايديبور . يونانيلر مغلوب اولونجه ، انکلتزه نك آجيق آلن ايله کنديسي کوسترمى لازمدى . بو تقديرده تولد ايدنه بيله جک نتيجه لري کشف ايتک کوچ دکلدر . حربک بويوک ومستحق مغلوبى لوئيد جورج ، استعفا ايدنجه ظفر من تحقق ايتمش ديمک ايدى . کورزون افغانستان ، ايران ، تورکيه دن عبارت معظم پروتکتورامنطقه سي تخيل ايديبوردى . « سوک قالان ائتلاف دولتلى قوتلرينک ، استانبولى تخليه سي (۲ تشرين اول ۱۹۲۳) تورکرايچون بومعظم انتقامک قطعيت کسب ايتمه سيدر . انکليز لشرقى اللرندن قاجيرمش ، دوناتالري بوغازلردن قوغولمش ، حرب عمومينک جهانک بو قسمنده کي نتاييجى اونلر ايجون آرتق غيب اولمشدى . صانکه ۹۱۸ ده انکليز امپراطورلنى تورکلره مغلوب اولشدى . [۱]

متعاقب يدي بحث سوريه ، مصر ، ايران ، افغانستان ، اقصى شرق ، ژاپون ، چين ، آتنام ... وقوعاتنه متعلقدر . محرر بو بحثلرده آکلانديغنى تاريخى واقعلرک هېسته ، يوقاريده سويله ديکمز وجهله آسيانک انتباهنى وانکلتزه حاکيتنک سقوطى محور عد ايتمکده در .

[۱] عيني اثر : ص - ۲۸ - ۲۹